

stris Lemovicensi, Petragoricensi, Agennensi canonica auctoritate judicavimus quod Bernardus praedictus vicecomes comiti Marchiae, si ab eo impetratur infra quadraginta dies ab eo die quo judicium factum est de alodo quod per donum comitis Marchiae Usercenses monachi obtinere nitebantur, quantum exigeret ratio responderet. Et quia charta quam super dono Umbaldi episcopi de ecclesia Trainiacensi protulerant canonicam firmitatem non habebat, cum praedictis episcopis judicavimus ut instra eosdem quadraginta dies duos legitimos testes producerent qui rationabiliter probarent se vidisse et audisse quod praefatus episcopus Trainiacensem ecclesiam cum consilio praedicti Gausberti archidiaconi et Bosonis archipresbyteri monachis Usercensibus deditisset, interim vero monachi Cluniacenses terram illam quam Bernardus vicecomes eis dederat quiete tenerent et aedificarent.

Interfuerunt autem huic nostro iudicio praedicti

A fratres episcopi et assensum praebuerunt, Ildebertus, Geraldus, Lemovicenses archidiaconi, Arnaldus Guillelmi, Guillelmus de Nancars, Petragoricenses archidiaconi, Gausfridus Agennensis archidiaconus, Petrus Engolismensis praecursor, Esdras, Julianus, Raimundus Engolismenses canonicici, Helias de Gimello et Rennulfus de Garait Lemovicenses archipresbyteri, et multi alii venerabiles clerici.

Et ut hoc nostrum iudicium firmius et certius habeatur et teneatur, propria manu nostra subscripsimus et sigillo nostro muniri fecimus.

Ego Girardus, Engolismensis episcopus et sanctae Romanæ Ecclesiæ legatus, subscripsi.

Actum est autem hoc iudicium in Petragoricensi episcopatu, castello quod Exidolum vocatur, anno incarnationis Verbi 1116, indictione viii, regnante Ludovico, rege Francorum.

ANNO DOMINI MCXXXVI

DOMNI ODDONIS

ABBATIS S. REMIGHI REMENSIS

EPISTOLA AD THOMAM COMITEM

De quodam miraculo S. Thomæ apostoli (1)

Salutare est omnibus Christiani nominis cultori- bus semper quererere et audire aliquid aedificativum, et quantum sit Dominus in sanctis suis mirabilis cognoscere relatione fidelium. Cum enim te avidum super hoc cognoverim, juxta petitionis tuæ admonitionem, quæ in curia Romana vidi et audivi, scripto tibi intimare volui. Aderam anno praesenti, feria scilicet sexta post Dominicæ Ascensionis solemnitatem, ante domini papæ præsentiam, de nostris vide- licet negotiis locuturus, cum subito adsuit quidam qui legatos Byzantei, id est Constantinopolitani imperatoris, adesse pro foribus nuntiaret. Exhilaratus vero dominus papa super tanti nominis legatis, ex latere suo episcopum misit, ut eos honorifice introduceret sibique præsentaret. Veniunt, salutato- que papa universalis et plerisque curialibus, de salute imperatoris suorumque qualitate, prout fuerant sciscitati, satis honeste retulerunt. Causa autem eorum hæc fuit. Intererat cum eis Indiæ archiepi- scopus, vir satis honestæ formæ, et juxta linguæ suæ notitiam eloquentissimus, qui sociali adjutorio defuncti sui principis destitutus, consilii causa ad

C prædictum imperatorem jam pridie venerat. Cumque imperator petitionem ejus audiisset, et ex familiariis suis unum principem disset, quasi perfecto negotio ad propria redire dispositus. Cumque iter ageret, novum principem morte impediente amisit. Quo tumulato, imperatorem repetiit, doloris sui causam nuntiatus. Imperator vero consolatus eum, ne doleret admonuit, principem recepit alterum imperatoris munificentia. Tunc archiepiscopus aliquantulum mitigato dolore agit iter, sed non peragit. Repentinus enim secundi interitus principis duplicato dolore vehementer eum turbavit. Quid ageret ignorabat, incertum quippe habebat an imperatorem repeteret, an incœptum iter imperfecto negotio peragere deberet. Vicit tandem virilis consilii strenuitas imminentis periculi jacturam, suorumque exhortationibus elevatus, et ne desperaret admonitus, retrogradum iter arripuit, seque pii imperatoris oculis diri infortunii bajulus repræsentavit. Cognito igitur imperator inopinatae rei eventu obstupuit, et petitioni archiepiscopi satisfecisse se dicens, tertium mittere denegavit. Humilis autem

Carthusiæ fundum concessit. Thomas comes, cui epistola inscripta est, videtur esse Thomas de Marle, Codiciaci castri dominus.

(1) Hæc Oddonis abbatis Remigiani apud Remos epistola scripta est circiter annum 1155. Nam anno sequenti ex Italia reversus, construendæ Montis-Dei

archiepiscopus vix multis lacrymis impetravit ut Romanam curiam ei visitare consilii gratia liceret, et legatos imperatoris cum litteris deprecatoriis secum ducere valeret. Cuius in curia esset, quibusdam palatinis praesesse se Ecclesiæ illi referebat, in qua beati apostoli Thomæ corpus requiescere dicebatur. Inter cætera vero quæ de situ ecclesiæ thesaurorumque opulentia et ornamentorum varietate enarravit, unum disseruit, quod non sine admiratione aures audientium capere possunt. Prædicti apostoli ecclesia magnæ altitudinis fluvio ex omni parte clauditur, qui discurrentibus aquis, septenni etiam puerulo, octo ante festivitatem apostoli diebus, totidemque post festivitatem, præ nimia siccitate se viabilem præbet. In ipsa autem solemni die collectis in unum totius provinciæ proceribus, omnique clero et populo, post multas lacrymas altaque suspiria archiepiscopus cum suis sociis ordinis ad beati apostoli feretrum accedit, et ex eo cum magna reverentia corpus levatum in cathedra pontificali de-

A center collocat, primusque tanti advocati pedibus advolutus, oblationis suæ munere apostoliū honorat. Beatus vero apostolus brachium erigit, manumque aperit, et quidquid ei ab universis nostræ fidei cultoribus offertur, gratanter accipit. Si quis vero haereticus populo admistus, quasi pro devotione in manu apostoli aliquid ponere nititur, claudit sanctus manum, et nefanda munera accipere denegat. Cumque talia relatione quorundam in auribus domini papæ sonuissent, adesse jussit episcopum, et ne amplius in palatio falsa seminaret, sub anathemate prohibere voluit. Veritati enim contrarium esse videbatur quod de apostolo divulgasset. Episcopus autem coram omnibus nil esse verius affirmabat, et assensu domini papæ sacrosancti Evangelii jura B mento ita esse comprobavit. Credidit tandem dominus papa, credidit et omnis curia, et apud omnipotentiam divinam apostolum majora impetrare posse acclamabant.

DOMINI ODDONIS

ABBATIS S. REMIGHI

CHARTA DE FUNDATIONE CARTHUSIÆ MONTIS DEI

In diœcesi Remensi (2).

(MABILLON., *Annal. Bened.*, VI, append. p. 664.)

Universorum Domino, qui est summa sanctitas, famulantibus et in sacro religionis proposito perseverantibus, maxime his qui abjectis sæcularium negotiorum sarcinis, jam prægustant in tranquillitate vitæ quam suavis est Dominus, nos benignos esse convenit; et non solum eorum necessitatibus aliquod levamen impendere, verum etiam si quid eis dovitio fidelium contulerit, ut illæsum ad ipsorum usus permaneat, sollicite curare. Idcirco memorie eunctorum, tam præsentium quam futurorum, fixum esse volumus, quod ego Oddo, humilis minister ecclesiæ Beati Remigii, totumque capitulum ejusdem monasterii, communicato mecum labore, prompta voluntate et pia devotione benignum præbentes assensum, cœnobium in quo usus et sacras consuetu-

(2) Cum propagarentur in diœcesis Remensis partibus religiosæ congregatiōnes, Molismensium, Cisterciensium et Præmonstratensium, quorum institutor sanctus Norbertus anno 1134 mortuus est, una deerat sacri ordinis Cartusiensis familia, quæ in solo Burgundiæ seu Provinciæ, ut tum vocabant, regno radices egisse videbatur. In has vero partes demum ramos extendit, auctore primum venerabili Oddone, S. Remigii abbate, quod hoc modo factum tradunt. Hic aliquando Romam profectus, cum ad propria rediret, forte divertit ad Majorem Cartusiam, ubi explorata piorum illorum solitariorum admirabili conversatione, consilio beati Hugonis,

C dines Carthusiani honesti moribus fratres teneant et custodiant, in fundo ecclesiæ nostræ, videlicet in loco qui nunc Mons Dei nuncupatur, nam antiquitus vocabatur Mons Bosonis, in honore beatæ Virginis Mariæ et S. Joannis Baptistæ construximus. Hoc totum factum est consilio domini Hugonis Gratianopolitani episcopi, necnon et assensu reverendi Guigonis, Carthusiensium pauperum prioris, qui et primos sacræ hujus institutionis magistros ad nos misit, et locus ille ut Mons Dei vocaretur, præcepit et statuit. Venerabilis etiam Raynaldus, secundus Remorum archiepiscopus, in hoc opere strenuus cooperator exstitit, et ejus voluntate et consilio evocatio Carthusiensium fratrum facta est, et constitutio loci.

Gratianopolitani episcopi, domum ejusdem instituti in diœcesi Remensi ædificare statuit, assensu venerabilis Guigonis Cartusiæ prioris, qui primos sacre istius institutionis proæminatores Oddoni concessit. Hoc proinde consilium iniit Oddo ante obitum sancti Hugonis episcopi, qui anno 1132 accidit, Kalendas Aprilis: sed vix ante hunc annum 1134 executioni demandatum est, cum scilicet Oddo abbas e Pisano concilio reversus esset. Novæ domus exstruendæ assignatus est monasterii sui fundus in finibus Remorum duabus ab urbe Mosomo leuis, ad amnum Barum, tunc dictus Mons Bosonis, qui postmodum Mons Dei appellatus est.